



**Clara Et Praeclara Methodus Parandæ Eloquentiæ,
Secundùm Doctrinam & Præcepta Cypriani Soarii è
Societate Jesu, Ad Captum Et Praxim Faciliorem
Accommodata**

Worpitz, Georg

Coloniæ Agrippinæ, 1700

§. XIV [i. e. XIII]. De Causis.

[urn:nbn:de:hbz:466:1-68908](https://nbn-resolving.de/urn:nbn:de:hbz:466:1-68908)

men de adversis. Nam inter nigrum & album
datur medium, rubrum , viride, inter amorem
& odium similiter, quia possum Petrum quem
non novi , & de quo nihil audivi , nec amare,
nec odisse. Sic etiam inter bellum & pacem
datur armistitium , & in infante nec vitium,
nec virtus. Tenenda igitur superius dicta lex,
quod nempe unum contrarium alteri per se ,
non per aliud opponatur. & unum per se , non
per aliud tollat alterum; Repugnantia autem
non per se , sed per contrarium sibi opponan-
tur & sese tollant.

§. XIV. *De Causis.*

Causa est , quæ sua vi efficit &c. hoc est , cu-
jus potestate & virtute influente , fit aliquid ,
quod a me non fuit. Seu est id , à quo aliquid
oritur naturaliter, vel moraliter. Quando o-
ritur naturaliter, vocatur causa physica; quan-
do moraliter , id est , dirigendo ; instruendo ,
consulendo , mandando , dissimulando , &c.
est causa moralis.

Nota verò efficere , quod ponitur in defini-
tione, non esse strictè accipiendum (aliàs quæ-
libet causa, etiam finalis, formalis & materia-
lis erit efficiens) sed laxè , & hoc sensu, ut signi-
ficeret idem, quod facit ad esse rei, vel dando es-
se, & tunc est causa efficiens ; vel constituendo ,
& tunc est formalis ; vel recipiendo esse , tunc
est materialis ; vel dirigendo & movendo ad
esse, quod facit causa finalis. Hoc autem sig-
nificatur per particulam suā vi, id est , virtute
sibi propriā, vel activā, vel passiva, vel forma-

79 De Invent. Argument.

li, vel finali. Ex his collige quadruplex esse causarum genus, eò quod quatuor modi sint, quibus res qualibet esse potest; qualibet enim res habet finem propter quem est, cum nihil sit frustra in rerum natura, cò quod Deus & natura oderit, quidquid otiosum est, & frustra. Deinde qualibet res creata non potest esse à scipsa, ergo necesse est ut habeat aliquid à quo in rerum universo esse incipiat, & hæc est causa efficiens. Præterea quia Deus non semper creat, id est, non semper rem facit ex nihilo, causa autem creata, nec potest quidquam facere ex nihilo, ideo prærequirit aliud quid: ex quo aliquid faciat, vel in quo, & hæc est causa materialis. Denique quia materia juxta Philosophos non potest esse sine forma, eò quod rem oporteat esse in certa specie, ut constet quid sit, & distingui possit ab omni re alia, quæ non est talis, requiritur etiam forma, est enim forma, ratio & modus quo res est talis, seu hujus speciei, & hujus denominationis (id est tale nomen habet) non autem alterius; seu est ratio, propter quam res v. g. est lignum, & non lapis; statua & non truncus; & propter quam res nominatur lignum & non lapis; statua & non truncus; Unde sicut differentia cum genere rem metaphysicè constituit in certa specie; ita etiam forma cum materia facit rem physicè esse in certa specie physica. Simplicius & clarissim sic Causa finalis est finis propter quem aliquid fit; & cognosci potest interrogacione quare v. g. causa

causa finalis est id , propter quod litteris ope-
ram navas, nempe doctrina acquirenda, Effi-
ciens est quæ rem efficit, seu facit ut sit, & cog-
noscitur interrogatione quis hoc fecit : mater-
rialis est ex qua, vel in qua aliquid sit, & cogno-
scitur interrogatione ex quare, vel in quare,
est hoc factum. Forma est ratio seu modus, non
quo res sit vel facta est (unde non cognoscitur
interrogatione , quomodo hoc est factum ,
id est quibus auxiliis) sed quâ constituitur in
hac specie & non in alia (& ideo forma voca-
tur, quia speciem rei , quasi formositatem , &
apparentiam confert quâ sit , ut distinguatur
ab omni alio , quod non est in hac specie) &
hanc denominationem seu nomen accipit , &
non aliud. Seu est modus propter quem res est
id , quod est , & non aliud , & dicitur hoc esse &
non aliud quid. v. g. forma statuæ est id , quo
lignum hoc habet , ut sit & dicatur statua , &
non simpliciter lignum sicut antè : sic forma
ollæ est ratio & modus per quam res hoc est,
quod sit olla , & non simpliciter lymis. Cog-
noscitur autem ex interrogatione quomodo ,
non quomodo fiat , sed quomodo appellatur &
denominatur istud aut illud : hoc autem , quod
respondet , est forma , per quam res est ta-
lis , & non alia , per hoc enim distinguitur ab
omni alio. Pro claritate hic.

Nota Formam multipliciter dividi à Phi-
losophis. 1. Dividitur in Physicam, & Meta-
physicam. Physica est, quæ est in re (id eo &
realis dicitur) & distinguitur realiter à materia

72 *De invent. Argument.*

Ut forma ligni à materia ligni. Metaphysica est, quæ non est distincta realiter à materia sua, sed tantum per intellectum separantem suā cognitione unum ab altero v. g. rationale ab animali. Unde omnis differentia est forma metaphysica, genus autem est materia, quia facit cum illa unum Compositum metaphysicum, sicut v. g. forma ligni cum sua materia facit compositum physicum. 2. Dividitur in formam intrinsecam, quæ non videtur, nec ullo sensu percipitur, & extrinsecam, quæ vel visu vel alio sensu percipitur, ut albedo, dulcedo, durities, rotunditas &c. Iterum alia forma est Naturalis, alia Artificialis. Naturalis est, cum qua res quasi nata est, seu quæ illi est congenita, vel quæ ei à natura debetur aut convenit, uti quod sit & dicatur lignum, facit forma naturalis. Artificialis est quam artifex inducit, sicut est forma statuæ, quam artifex in ligno exsculpit. Porro materiam etiam esse duplicem, unam naturalem, alteram artificialē, etiam certum est. Circa quam se natura occupat, est naturalis; Circa quam se artifex occupat, est artificialis. Eadem materia subdividitur in materiam *ex qua*, & *in qua*: materia *ex qua*: est res, ex qua aliquid fit, quæ plerumque definite esse quod fuit, sicut lignum ex quo fit ignis. Dixi plerumque: nam non semper id accidit, lana enim ex qua est pannus, manet lana, etiam postquam est pannus; unde in materia artificiali non semper id evenit, quod dictum est. Materia *in qua* est res, in quam

quam forma aliqua de novo inducitur priori materiâ non mutatâ , sed manente: sicut lignum, esto in illud forma statuæ inducatur. Similiter & causa efficiens notari potest , esse duplex, naturalis & artificialis. Naturalis, quæ sine arte efficit: artificialis quæ per artem operatur Adde etiam causam efficientem moralem dici, quæ non agit aliquid in ipsa re efficienda, sed solum directivè , id est ulterius intellectum, & voluntatem dirigendo , & movendo. Sic causa moralis est , qui docet alterum, qui mandat , suadet &c. aliquid fieri , & ad hanc spectant inventores artium, fundatores urbium, regnorum, religionum, authores librorum & scientiarum. Dividitur etiam causa efficiens in Totalem & Partialem. Totalis est , quæ totum in re aliqua facit. Partialis, quæ non facit sola totum, sed cum altera comparte. Venique nota etiam finalem esse duplificem, ultimatam & minùs ultimatam. Ultimata est finis ultimus , ad quem omnia referuntur, & diriguntur: minùs ultimata est, propter quam quidem aliquid fit, in illa tamen non sistitur , sed itur ulterius: sic quod studeas diligenter, finis ultimus, est in hoc mundo, ut fias v. g. Prælatus , minùs ultimus, ut fias doctus; qui finis refertur ulterius , quia ideo vis esse doctus, ut fias Prælatus.

Modus ponendi argumentum à causis est ut in antecedenti ponatur causa , & in consequenti effectus, qui vel laudetur vel vitupereatur, ideo quòd causa sit laudabilis, aut vituperabili.

rabilis. Potest etiam in consequenti negari effectus de aliquo, si antehac causa est negata, & illi non convenit; sicut vicissim effectus alicui potest attribui, si ei causa fuit attributa, sic affirmato fine de aliquo, etiam medium (quod in causa finali est effectus, quia finis facit, ut medium assumatur) quod juvat affirmo, aut remoyeo quod impedit v. g. Juveni est scientia amanda, ergo etiam diligens studium, vel, ergo otium fugiendum. Sic Cicero arguebat pro Milone: Clodius oderat Milone, ergo cupiebat illum esse occisum: cædes enim est effectus odii, odium causa. Aut negata causa finali, negatur effectus: non amas scientiam, ergo nec diligens studium: non est cur cas in patriam, ergo mane in curriculo studiorum. Sic etiam in causa efficiente illa affirmata, aut negata, affirmatur aut negatur effectus: ut sol ortus est, ergo est dies: non est ignis in fornace, ergo nec calor. Itemque affirmantur (debent autem affirmari de causa in ratione causæ, seu quia causa est, alias non sequitur bene; v. g. Pharisei sunt improbi, ergo & doctrina illorum, quia illi non docent ideo, quod improbi sint: bene autem sequitur, Hæresiarchæ sunt improbi, ergo & illorum doctrina) aut negantur de causa efficiente, affirmari & negari etiam possunt de effectis; ut homo doctus estimandus, ergo & doctrina. Consilium Petri non fuit sapiens, ergo nec opus inde fecutum.

Nota hos duos argumentandi modos etiam

am in causa formalis servari; nec multum dif-
ferunt in materiali; v. g. agri sunt lapidosi, ergo
in iis vix quidquam excrescat. Materia
Rhetorica sunt res omnes, ergo Rhetorica
est latissima scientia. Corpus hominis est mor-
tale, ergo & homo, qui fit ex corpore, est
mortalis; sicut contra à forma v. g. Animus
hominis est immortalis, ergo & homo ex ani-
mo constans est immortalis, & aspirare debet
ad immortalitatem.

Nota 2. Si ostendas aliquid fuisse causam
hujus effectus totalem, tunc in consequenti e-
tiam negare potes causam esse omnem aliud. v. g.
Petrus solus occidit, ergo non Paulus.

§. XV. De Effectis.

Effectus est res, ab aliqua ex causis prove-
niens. Et quia quatuor sunt Causæ, etiam
quadruplex est effectus, cum cuilibet causæ
suum effectus correspondeat, nec aliter in ef-
fectuum cognitionem venire possimus, quam
per causas. Unde quoties scire voles ad quam
causam hic effectus pertineat, considera prius
qualem causam habeat, & tum vide his in quo
genere causæ sit effectus v. g. Bellum est effec-
tus pacis, quia bellum oritur à pace; sed in
quo genere causæ? ut hoc scias interrogas v.
g. quis efficit bellum an pax? nequaquam; in-
gitur pax non est causa efficientis belli, sed mili-
ties juxta dicta de causis. Interroga ultius
quare duatur bellum? propter pacem; ergo
bellum est effectus pacis in genere causæ fina-
lis, non in genere causæ efficientis. Effectus
causæ